

Zeitschrift: Annalas da la Societad Retorumantscha
Herausgeber: Societad Retorumantscha
Band: 9 (1895)

Artikel: Dertgira nauscha ne Dertgira tanida sur il Tscheiver e la Cureisma
Autor: [s.n.]
DOI: <https://doi.org/10.5169/seals-180273>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 25.08.2025

ETH-Bibliothek Zürich, E-Periodica, <https://www.e-periodica.ch>

Dertgira nauscha

ne

Dertgira tanida sur il Tscheiver e la Cureisma.



Avis.

La „**Dertgira nauscha de Breil**“, representada per l’ emprema gada a Breil alla fin dil XVIII. tschentaner, ei senza dubi in dils pli interessants e characteristics products originals de nossa litteratura sursilvana e mereta perquei de daventar gieneralmein enconoschenta al pievel romontsch. Pils **erudits** ha daveras Signur Cusseglier nazional Dr. C. Decurtins gia publicau quest drama en ses „**Denkmäler rätoromanischer Sprache und Litteratur**“, Fribourg, imprimerie catholique suisse 1880 (?), mo quest opus ei memia **scars e grevs** de survegnir, èra memia cars per nossa glieut, de maniera che sia publicaziun ha contribuiu **quasi nuot**, de render la dertgira nauscha pli enconoschenta denter nies pievel; fetg paucs vegnan ad esser en possess de quella. Nus cartein perquei de render in survetsch als lecturs romontschs, cun laschar stampar quest opus en nossas Annalas.

Nossa stampa va suenter ina copia, che Sigr. Canonic G. Tuor ha giu fatg dal original 1867, dil temps ch’ el fuva plevon a **Rueun**. Tale quale ei la „Dertgira nauscha“ gliez onn vegnida representada a **Rueun**.

Per autur dil original vala tenor la tradiziun Signur Canonic **Giachen Balletta** de Breil. El ha concepiu il drama e fatg representar ils mats de Breil quel dil temps, ch’ el fuva leu plevon.



Dertgira nauscha

ne

Dertgira tanida sur il Tscheiver e la Cureisma.

I. Scena.

Mistral.

Bein sabis, aulditgiai, nobels e spectatissims Signurs Gieraus !

Glemprem vi jeu haver salidau mitgin,
Vi ver fatg igl beinvignient a scadin !
Jeu sundel en verdat fetg consolaus
D' enflar tuts seuns mes Signurs Gieraus.
Jeu vi decormein a tuts agurar,
Ch' els possien seunamein continuar
Quest et eunc auters nundumbreivels onns.

Signur Gierau Martin fa de fin.

Jeu, cun mes Signurs confrars
Ad els engraziel e vi cheutras
Ad els Signur Mistral haver agurau
Tut bien de pei entochen tgiau.

Signur Padrut fila satel.

Mosie sche vu sout tut sort da boneur
Vu sigiresch desser vot serviteur.

Signur Remias cascha gras.

Giegie Signur Mistral, era
Jeu vi haver agurau
Sanadat, ventira e pasch
Pli ch' igl on passau.
Dieus deti ad els ina bialla spusa uon,
Ch' els possien cun legermen ventscher or' lg onn.

Salomon tschetscha mel.

Jeu vul fa miu complimen
Wünsch ad els voll legermen,
Fa dabot vus, buc sateng si,
Schiglioc las matas tutas schelan vi.

Signur Oza sponda broda.

Signur Mistral vomien ussa vinavon
Et entscheivien las fitschentas de quest' onn.

Mistral.

Jeu hai fetg gron legermen,
Che esses vigni ton stediamein.
Aschia stuein nur far ad ina,
Per esser e ristar parina.

Signur Silvester trata caultschas.

Sche quei figiess mintgia Oberkeit,
Sigiramein a mi carteis,
Sche fuss ei buc ent ils Cumins
Tons falamens e tons sgurdins.

Signur Gieri schvida glas.

Quei ei gie in proverbi general,
Che sevesa bein ad ual,
Che sch' il tgiau ei mal lugaus,
Era la membra ha buc ruaus.

Mistral.

Nus lein pia mes cars Signurs !
Per far plischer a tutts ils purs,
Seschar giu e selogar,
Per comodeivlamein truar.

Tut garegia e ha bugien,
Ch' ei vegni fatg giustia alg innocen,
E puspei sco glei lubiu
De dar castig a tgi che ha faliu.

Signur Samson muossa pong.

Tala ei la usita de nies cumin,
Chura ch' ei glei enqual sgurdin,
De taner il dretg publicamein —
Sil criminal numnadamein.

Mistral.

Sche pia in Umfrog vi jeu far,
Sche in' entschatta nus vein de dar.
Mintgin dei dir cheu avon mei,
Siu meini e siu parer sin quei;
E per far pli endretg il truamen,
Vi jeu complanir il tschentamen
Et oravon tuts vi domendar,
Sche la spada possi duvrar.
Signur Balameister de fom e seit.
Sco emprem Gierau mi scheit:
Sche de mei possi quella gada
La spada vegnir dovrada?

Signur Balameister de fom e seit.

Signur Mistral figiei bucca pleun
De prender la spada enten meun,
Pertgei ch' enten il Cumin
Ei daventau in gron sgurdin.

Mistral.

Signur Andriu cupida fetg
Jeu vi er' a vus ver' detg,
Sche la spada possi duvrar
E sche ussa segi temps de truar?

Signur Andriu cupida fetg.

Igl miu meini ei igl tal
De suondar vus Signur Mistral.
In sto gie ver gron legermen,
Chu la dertgira veng dada cun fundamen.

Mistral.

Signur Gieri svida glas figiei er vus mi de saver,
Qual segi vies meini e vies parer.

Signur Gieri schvida glas.

Miu meini ei de dovrar uss la cursa
Per emplenir la nossa buorssa;
Pertgei il pur cun siu dertgiar
Manteng a quels Signurs il damigliar.

Mistral.

Signur Martin fa de fin: schei era vus,
Sche jeu ensemblamein cun quels Signurs
Duein tenor isonza taner dertgira
Per promover tut bien e spir ventira?

Martin fa de fin.

Tadlei mei cun tut adatg,
Il truamen sto esser fatg.
Gie mes Signurs quei ei ver —
E tal ei er' igl miu parer.

Mistral.

Signur Stathalter Alexi tschontscha lom:
Eis ei uss bein temps de dustar la fom
A quels, che per giustia suspiran
E d' esser scuitschai sepliran?

Alexi tschontscha lom.

Per di che miu meini leis saver,
Sche vi bucca munchar de far il miu duer.
Dretg e rischun, sto esser da nus teniu.
E l' autoritat digl Oberkeit mantenu.

Mistral.

Signur Scarvon Remias cascha gras
Schei era vies meini senza frakas,
Sche jeu la spada possi prender
E sin plong e risposta attender?

Cascha gras.

Vi di miu mein aviartamein.
Sch' in vul en quei temps particlarmein,
Che las caussas vomien bein et endretg,
Senza tema stuein taner il dretg.

Mistral.

Signur Wachtmeister Padrut fila sattel:
Ni buc glei nossa honur et etel,
De lomamein sesar e dretg truar
Per lu suenter poder legar star?

Fila satel.

Je se pa voter isonza voter demana
Ma surma le tam de trua,
Purque nu vulon arschan gudignia
Pur suenter legerman tscheiver fa.

Mistral.

Signur Comissari Salomon tschetschamel
Glei dueivel che nus per interes ne per fel,
Oz ensemblamein endretg trueien
E tuta pertischontadat casseien?

Tschetschamel.

Recht vus di Signur Mistral
Nus alle mit einander machen a tutt ual.
Gerechtigkeit ton biebein sco nus san,
Strafen sto esser, alle ad entiert fan.

Mistral.

Signur President Oza sponda broda,
Jeu garetg de dir vies mein grad ora,
Sche la spada possi dovrar
Per tut mal poder cassar?

Sponda broda.

Eiglei per gues fetg basigneivel
Ch' in Oberkeit ludeivel
Detti in' entschatta alla dertgira
Per mustergiar la naradira.

Mistral.

Signur Meister Samson muossa pong.
Schei era vus a tuts grad el grong
Schei segi di et ura de dretg haver,
Per nos dieverts si dretg taner?

Muossa pung.

Tgei stein nus cheu e setanin si!
Grad oz ei l' ura et il drétg di,
Che, mes Signurs primamein,
Logeien las caussas si dretgiamein.

Mistral.

Signur Silvester trata caultschas figiei de saver
Tgeinin seigi vies meini e vies parer.

Trata caultschas.

Per far ton pli alla cuorta pia,
Grad quella ei l' intenziun mia;
Grad per quei nus essen cheu rimnai,
Ch' ils buns e mals segien tenor marets truai.

Mistral.

Signur Gierau Gion spaza pon!
Ei fuss en scadin cas puccau e don
De oz buc taner dertgiras,
Mintgin saves schiglioc dir aviras.

Gion spaza pon.

Igl meini de quels Signurs mi plai.
Mo che tuts segien da nus cuntentai.
Tuts han plidau perdertameing
Et aschia suondel jeu els compleinamein.

Mistral.

Signur matutin Zemergenis! figiei er vus il plischer
De dir vies meini e vies parer.

Matutin.

Fet-fet-fetschan da-dabot, a-a-a cun furtina
A-avon che-che vi-vignir malperina.

Mistral.

Essent che quels Signurs en tuts da quei parer
De dar dertgira e dretg taner,
Sche vi jeu dar agli Waibel scafimen,
Sco glei nies ludeivel tschentamen
D' embanir il dretg e visar mintgin,
Ch' ei seigi dertgira ent il cumin.
Componi il dretg vus Waibel
Sco ha detg igl Oberkeit ludeivel.
A mintgin figiei de saver,
Che dertgira nus lein taner.

Waibel.

Jeu visel e fetsch de saver a mintgin
Sco Waibel, che jeu sun de quest cumin,
Che la dertgira sei tschentada.
Quei visel per l' emprema gada
Per l' autra gada avisel jeu,
Che la dertgira sei rimnada cau.
Vul zatgi avon quella comparer,
Quel sapi ch' ei custi il daner;
Jeu ditg per la tiarza e davosagada,
Che la dertgira seigi tut pinada.
Dretg veng ad esser per mintgin,
Suenter il tschentamen de nies cumin.
Sche enzatgi garegia Mussadur
Compari avon il Mistral nies.
Sch' in tal veng a vegnir domendaus
Della dertgira agli veng daus.

Cureisma (dad in meun).

Ach cho glei po mai midau
Da quei ch' ei avon temps stau,
Dilg temps della moria gronda,
Che pertut il vitg fuva gonda;
Che Dieus veva ton dau la torta,
Che zun bia glieut fuva morta,
Lu vegniev' ei bucca fatg ton frakas,
Buiu ton vin e migliau caschiel gras.
Ussa ils mats e mateuns e sez affons
Fan actiuns bia pli ch' ils grons!

Miu pievel jeu cretg e sto di,
Ch' ei segi gleiti il giuvenessen di.
Avon temps las femnas fetg biaras
Matevan buc si quellas kraglas;
Ellas vevan spatlas e leunkets,
Enstalg fazalets duvraven panets,
Ussa pez e pindels e nezlis metten si,
Greun, pieun, pera tosta, tschareschas daten vi
Per danes fa e modas inventa.
Tgei ch' ellas vesen quei vulten cumpra.
Vus saveis, ch' era jeu pudess
Sevastgir pli bein, sche jeu les.
Mo jeu hai tutta humilitonza
E perquei dil parvis speronza.
Ussa num de Diu, jeu pos che pli verti
Avon ilg Oberkeit vi jeu vignir
E vi dad el agit dumondar
Per quels de Rueun en parvis manar.

(Avon ilg Obrigkeite.)

Signur Mistral a mi perdonei
Cun tutt il ludeivel Oberkeit,
Sch' jeu vegnel cheu cun fidonza,
Schebein che sundel malvengonza,
Damai ch' esses cheu rimnai
Per trostigiar ils combriegiai,
Sche les jeu de vus garigiar,
Che mussadur a mi lesses dar.

Mistral.

Per far la caussa tutta dretgia,
Sche lasch jeu a vus la letgia
De tscharner ora denter nus
Qual che vus leis e plai a vus.

Cureisma.

Signur Silvester trata caultschas figiei po la migliur,
Vuss esses per mei in fetg bien Mussadur.
Vus saveis biebein tschintschar
Jeu rog che mi leigies gidar.

Mussadur trata caultschas.

Jeu sai buc esser vies trostigiader,
Pertgei pauc mi plai il mager,
Et eunc bia meins ilg giginar,
Ton ch' jeu sai vus bucca gidar.

Cureisma.

Ach uordei po car Signur Mistral,
Sche quella risposta mi dei bucca far mal.
De tuts sund jeu sbittada,
Cret! mi gidei po quella gada.
Jeu sundel cheu per vus rugar,
Che vus leies per forssa obligar,
Ch' el stopi far il mussadur
per mantener a mi l' honur.

Mistral.

Signura Cureisma vus veis rischun,
Vus esses sbittada senza chischun.
E particularmein enten nies vitg
Paucs u nagins veis per amitgs.
Tonaton perdi che vus rogeits,
Lein fa sco auters Oberkeits,
Vus deigies ver per vies ugau
Quel che vus haveis garigiau.
Signur tratta caultschas veies pazienzia
E figiei uss oz penetienzia.
Vus veis sez udiu e veis tadlau
Ch' ella vul vus haver per siu ugau.

(Mistral e Mussadur fan Plaid a dretg.)

Mistral.

Jeu camondel igl dretg
E fetsch miu plait perfetg.

Mussadur trata caultschas.

Vegli Dieus che daventi il dretg,
Aber er mi cartei Signur Mistral,
Sagiramein mi fa gron mal,
De stuer far il Mussadur
Ad ina veglia senz' honur.

De biars auters fussen stai
Denter quels ch' en cheu rimnai,
Che vessen ella saviu gidar
En in uffeci ch' jeu sai bucca far.
Mo encunter vus tgei pos jeu dir
Alg vies camond stoi obadir.
Vi schon far sco els han cumondau,
De Mussadur et er ugau.
Jeu ditg aber aviartamein
E cheu protestel fermamein,
Ch' ei segi mo siu tut il don,
Pertgei ella veng a piarder tonaton.
Onda Cureisma cun sgarschur
Per tei stoi far il Mussadur.
Mo crei a mi gues e segir
En la falla has ti de vignir.
Neu pia dabot e va cun mei
Sche ti has de dir enzitgei.
Sin tiu plidar vi jeu tadlar
Per lu avon quels Signurs dertgiar.

(Ora sum: di il Mussadur.)

Scarschantida ei la mia Zonur
De stuer far il Mussadur
Adina veglia aschi macorta,
Che freda schon sco schella fuss morta.

Cureisma.

Nagin fa stem de mei munglusa
Tutts fuien de mei sco turpiguosa.
Tonaton jeu sun adina
Cun tutts migieivla e carina.

(Entochen ch' ei en daven.)

Fila satet.

E diabel, sed fam fuss megliur catscha daven,
Fa metter en prison e far sta leuen.
La parl tuschur de giginar.
Na, na nu vulon oz leger star.

Tschetschamel.

Verzeihen mir nus sto avon tadlar,
Ob rischun ell' a de dertgiar.
In Oberkeit nicht sein partischons
El muss tadlar pings e grons.

Matutin Zemargenis.

Gie gie Sgr. Tschetschamel er' els dien endretg;
In sto tadlar tuts che vegnen avon dretg.
Per per cu in ha ha il plong tadlau
Sche sa lu il meini vegnir dau

(La Cureisma tuorna et il Mussadur tratacaultschas fa il Plong.).

Bein sabi Signur Mistral
Cun tut il ludeivel tribunal,
Nus rogein de nus tadlar,
Sche gie bia nus schein munchar.
Ves mai cartiu, stimai Signurs,
Che la clienta ves schi bia de dir a vus.
Siu inimitg ei in rufinau doctur,
Che metta a frusta la sia honur.
Siu num e schlatta ei giunker Scheiver,
Mo buns de far miglia e surbeiber.
Tadlei empau il miu plait,
Sche mo leis saver, cho el fa de laid.
Questa paupra orfnetta,
Tuta de bein e fetg bunetta
Les bugien, che tuts carstgeuns
Stessen vifs e fussen seuns.
Per quei ha ella adina suendau
Quei gron miedi che ha mussau
Desser streins ent' il migliar,
Sche ditg sil mund lein cuzar.
Pone gulae metas
Ut sit tibi longas vettas.
Sche memia pleins ei il carstgeun,
Lu stol plonscher sco in malseun,
Gie per gues savens el munglass
Ira tiel miedi per in burgass.
Ella muossa de la carn spargnia,
Per gl' entir on ver de maglia,

De sevestgir humiliteivlamein,
Da far oraziun devoziusamein.
De star a casa e far siu fatg
Per atgna satisfacziun et avantatg.
Esse cupi sanus sit tibi parca manus.
Muossem tuts ils Docturs
Sco cloma er' la cureisma tier a vus.
Perquei cartei a mi Signur Mistral,
Ella fa a tuts dil bien a nagin dil mal.
Solet il tscheiver, siu inimitg
Vul ella perseguitar daven dil vitg.
Dad el veng ella zun fetg hassiada
E de pertut discreditada.
El va entuorn a den de crer,
Sco mintgin po sez ver,
Ch' el segi in gron Signur
Meriteivels de tutta honur.
Mo el ei in gron migliader,
Fa er beinduras il lader,
Engola de notg e sut mudinas:
Nuorssas vadials et er gaglinas.
Ils zagrenders ston lu haver engulau
Ner igl uors quei tut rafau.
El vul bucca migliar maluns,
El rufida er' ils macaruns,
Bizokels e gnioks possi el bucca tukigia,
Latg e broda cun frina gnanc ferala.
Carn piertg, andutgels e schambuns,
Fortems, barsaus e maruns
De quei malg' el ad ina ton bia,
Ch' el stat enqual gadas de schluppa.
Sch' jeu vi dil beiber uss tschintschar
Eunc bia plistoi declarar,
Pertgei de cheu dariven ils sgordins
Che sesanflen ent' ils cumins.
Tgi sa buc ch' entras sia eivradat
Muoss' el sia taffradat?
Zeder e respectar vul el nagin,
Bein aber far a frusta flnadin,

Gron e ping lagegiel de bastonar
Sch' in agli vul buc de beiber dar.
Sia oraziun e siu plidar
Ei mo schmaladir e sekargiar,
Chur ch' el dei vid Diu patertgiar
Vul el mo far il nar.
Dilg pitineng vi nuota di,
Pertgei scrokarias fa el mintgia di.
Bucca mo il siu el beiba vi,
Sunder er' ils affons ston engaldi.
Spiarder fa el ton il barnier
Sco leu speras siu ustier.
E chur ch' ei creien bucca pli,
Fa el il stuorn de di en di.
Par ei ch' el ha bucca de migliar,
Lu ils affons ston ir' a rugar.
Allas femnas muoss' el de far da fin,
De dir, ch' ellas beibien bucca vin,
Mo cu ellas ên enzanu dascus,
Muos el de beiber in quart ne dus.
Chur ch' ils umens van a vitg ne a parver,
Lu ei il meglier temps ch' ellas pon ver,
De vin dascus neutier portar
Et ils cremers e hermarinas clumar.
Chur ch' ellas van a molin
Per moler il segel e la salin,
Empau per ellas metten din meun;
Denton als umens daten de crer,
Che quei ch' ellas han dau agli harmer,
Seigi dil muliner engulau
U dellas miurs migliau,
Cun la pischada, pera tosta e pieun culau
Las pagen quei ch' ellas han dascus cumprau.
Quei mistreng fan era las mateuns
Suondont gl' exempl del las duneuns.
Per pli legermein tscheiver far,
Entscheiven a seloscherdar.
Schlappas novas ston haver
Per en bialla stiva comparer.

Rintgias d' aur ellas ureglia,
Pez e pindels de marveglia.
Sch' in teidla ellas sch' eis ei li schengigiau,
Sch' ellas han gie il bia discus cumprau.
Il bia de quei daventa entras il tscheiver,
Che muossa als mats de per ils mugrins reiver
E las mateuns si destedar,
Per ligiongias far barsar.
Igl vin e vinars zupau,
Veng lu neunavon portau.
Ei daventa era enqual gadas
Ch' entginas vegnen surmanadas.
Jeu sto ussa calar
Per lur pazienzia buc surduvrar,
Schegie jeu saves eunc dir de biar
Dil mal ch' il tscheiver adina fa.
Hagien uss pazienzia Signur Mistral
E laschien vignir en preschientscha il tal.
Jeu vi perques tut mantaner,
Sche vus a mi leis crer.

Mistral.

Vaibel! mei tier giunker tscheiver e scheit
Per Camon dilg embaniu Oberkeit,
Che jeu fetschi grad uss el comendar,
Ch' el vegni avon nus a sescolpar.
(Vaibel giu.)

Cureisma.

Signur Silvester trata caultschas tgei dei po mai far,
Jeu pos ad els buc avunda engraziar.
Vus veis tschintschau quella gada,
Che jeu sun pilver fetg consolada.

II. Scena.

(Il tscheiver cun ses compongs en sil theater, ina meisa, cun de beiber e de magliar, sunadurs.)

Vaibel. (veng)

Signur Giunker tscheiver veigies bucca per mal,
Jeu sto obedir agli Signur Mistral.
Vus esses grad ussa clomaus
Dilg Oberkeit chei cheu rimnaus. (va)

Il tscheiver tier il Pievel.

Jeu hai gron legermen
De ver in schi gron Pievel cheu presen.
Jeu sundel fetg consolaus
Seies de mei mintgin salidaus.
Vus mateuns vi jeu envidar,
Figiei bucca memia ditg spitgiar.
Vigni tutas en mia compagnia
Schelein nus skitschar la malenconia.
Vigni era neutier vus mats,
Sche vus leis far solaz.
Grad ussa vi jeu far sonar
E tuts ensemen lein saltar.
Era vus Signurs e vischins,
Gie jeu ditg vus grons e pins
Vegni tuts dabot tier nus,
Schelein nus far star leger vus.
Ussa pos jeu bucca pli stitgiar,
Empau sto jeu saltar.
Fai si uss treis ti sunadur
Bials che fetschien a ti honur.

(pren in servitur, saulta treis)

1. Servitur.

Miu Signur quei lein nus calar
Quei pos jeu bucca pli tadlar,
Enzatgei auter lein nus entscheiver
Nus lein ussa giugar per da beiber.

Tscheiver.

Ti dies endretg miu servitur,
Mo emprova de carmelar enqual pur
Neutier, per prender sur agli
Empau danes per beiber vi.

2. Servit.

Per pli bein enganar ils purs,
Stuein gl' emprem giugar mo denter nus.
Lein schon auters neutier clomar,
Cu glei ilg temps de surmanar.

Tscheiver.

Lai pia bucca vargar la cuorza
De schvidar ad entgin la buorssa.

3. Servit.

Sche lein nus cheu denton
Il giuc braf far vinavon
Et vein nus gudigniau
Andutgiels e ligiongias dei buc vignir spargniau.

1. Servit.

Gie, gie, quei lein nus far
E braf si leger star. (giogen)

4. Servit.

Derscha ora pia ti tonder Martin
Bein dabot in bien glas vin,
Che nus saveien beiber
Sin sanadat de nies Signur Tscheiver.

3. Servit.

Gie quei vi jeu schon far aschia
Per star ensem e far legria.

2. Servit.

Catscha bein prest a meun
De tigliar giu in braf toc peun,
Survescha ti a nies Signur
Per carmelar neutier enqual pur.

Sunadur.

Poz mi veis ch' in glas vin a mognia?
Tanus mei per mender ch' ina kognia?
Jeu vi era tafer beiber e braf migliar
Per ton pli ver kraft de sunar.
Lustig hopsa, viva la compagnia. (beiba)

(Il Vaibel vegn puspei cun enzennas de smanatscha.)

1. Servitur.

Aber feltischen miu car Signur
Els ston bucca emblidar l' onur,
Che ha fatg ad Els ilg Signur Vaibel
Cun citar avon ilg Oberkeit ludeivel.

Tscheiver.

Cho jeu che sun in gron Signur
Tenius de tuts en grond' onur,
Dei vignir clomaus aschi anetg
De comparer avon il dretg?
Jeu che sun cun tuts undreivels,
Fetg liberals e buntadeivels.
A tuts hai fatg dil bein, nagin dil mal
Sun ussa comendaus dil Mistral?
Segiramein sto esser stada,
Quella veglia de tuts sbitada.
Aber jeu engirel gues e sigir
Che dil miu tegien dei buc untgir.
Mintg' onn, mintg' onn ei cheu cun quei
De voler dertgiar cun mei.
Ella maritas inagada
Desser vid la fuortgia strunglada.
Agli Signur Mistral vi obedir
Avon ilg Oberkeit vegnir
Savend per gues che hai pli urbida
Che quella veglia scarschentida.
(Avon ilg Oberkeit).

III. Scena.

Signur Mistral e Signurs Gieraus!
Seigi mintgin de nus fetg respectaus.
Vi tuts endretg haver titulan
E mei a scadin recomendau.
Jeu sun cheu sco vus saveits
Per mirar tgei che vus leits
E sch' in plong dei esser mes encunter mei.
Per schei, pertgei jeu sun cheu perquei.

Mistral.

Giunker tscheiver glei tut protocolau,
Quei ch' ei encunter els lamentau.
Jeu camondel pia a vus scarvon
De legier si tut quei ch' ei portau avon.

Scrivon legia.

Rueun ils . . de . . ilg onn 1867.

Avon nus ei comparida
La cureisma da tuts enconoschida
E fatg manar il Plong cun tut honur
Entras il siu cundretg lubiu mussadur
Avon il Signur Mistral
Cun tut in ludeivel tribunal,
Els rogiens dad els tadlar
Sche gie bia els laschien muncar.

Il Mussadur lu scheva.

Ves mai cartiu stimai Signurs (repeta siu Plogn sco sura)

Tscheiver.

Aschi mal de mei ha podiu dir,
Ton danavon podiu mentir,
Quella veglia uorda macorta
Che mareta buc auter che la torta.
Tallas veglias han la disa
De mentir sin quella visa.
Quels Signurs che han de truar
Vi bugien ver sch' ell' a podiu taxar.

Mei per bueder e per migliader,
Jeu vi che dir d' in gron lader.
Jeu vi che mi fetschieu questa honur
De dar a mi in bien Mussadur,
E nus lein mirar, sch' ella ha giu rischun
De taxar mei per in paltrun.

Mistral.

Ligi ora quel che vus plai
Denter quels ch' ên cheu rimnai,
Qual che vus leis vi jeu schar,
E de mussadur veng el a far.

Tscheiver.

Signur Gion spaza pon jeu rog vus,
Che leis mei gidar, jeu sun munglus.
Sche quella veglia ves la possa,
Mei seteras ent' ina fossa.

Gion spazapon.

Sche mo jeu vus saves gidar
Decormein les dertgiar.
Sch' in mo ella pudes bandischar daven
En kalikut e far star leuen.
Vegnien nus lein ira dad in meun,
Che nus audi nagin carstgeun,
Lein leu secussigliar,
Tgei risposta nus vein de dar. (van)

Cureisma.

Mei mo a peer figiei cusselg,
Co a mi schar dar gl' ueilg
Tut il vies secussigliar
Dei vus bucca puder gidar.

Tscheiver.

Ti tschuffa macorta vigliurda
Staupa tia bucca malmonda.
Per gues ti deies oz experimentar,
Sche jeu seigi meister de tschintschar. (giu)

Tratacaultschas.

Jeu creg tonaton che quella gada
La naradira vegni mustergiada.
Nos dretgs en bucca pli salvai,
Mintgin vul fa sco agli plai.
Aber vi bugiend ver sche decaudenvia
Sapi eunc ditg ir aschia.

Salamon tschetschamel.

Vus han bien mein Mussadur
Alles vul ussa mahan Signur.
Cavester d' asell ston metter si,
Sonst in sa buc leben pli.

Mussadur spaza pon. (veng)

Signur Mistral e Signurs Giraus !
Jeu sundel ussa puspei cheu turnaus.
Par gi che quei niebel e gron Signur
Ha garigiau mei per mussadur,
Sondel jeu pia parigiaus
De rispunder al plong manaus.
Miu gingieni ei zvar bucca sufficiens
De responder per in Signur schi excellent.
Aber sche jeu lasch enqual caussa muncar
Sa el sez u siu Béistand remediar.
La Cureisma ha el taxau per in Doctur
Che prendi ad ella la honur.
Tgei honur san ins aber prender ad ella
Ch' el ha giu nagina ner in autra gada ne quella ?
Milsanavon ha ella declarau,
Ch' el dei ver bia caussas engulau.
Quei ei mentiu a mi carteit
Bein sabi e ludeivel Oberkeit.
Ch' el sei mo buns de beiber e migliar
Quei sai jeu buc cho quella veglia astgia risdar.
Tgei ha ella de ver quittau
Tgei sei buiu, tgei sei migliau ?
La fin sto la vegliurda saver,
Ch' el hagi sez pagau cun siu daner.

Sch' el ves gie tut il di migliau e buiu,
Ha el tonaton mai fatg dar dil siu.
Ella di faulsamein milsanavon,
Ch' il tscheiver fetschi in gron don.
Mo jeu vi claramein declarar,
Ch' ella hagi fatg e fetschi aunc pli biar.
Gnianc empau solver vul ella cuir.
Velgs e giuvens vul far pirir
Entras siu scharf commandar
De stediamein gigienar.
Cun tias reunas e peschs secs
Cun tes creps e schelai schnecs
Il magun lavagias ontras
E cuschinias malsognias a biars.
La Cureisma ha gie tut la disa,
Digien quels Signurs schei glei autravisa,
De portar en zetgias e butritgs
Il vinars ord las ustrias dils vitgs,
Per stockfisch, rentgias e makaruns,
Per anguilas, peschs e bunbuns,
In schnueivel dane veng consumau;
E tonaton mai avunda migliau,
Adina mo chischiel, latg e broda
Fa ontras a biars ir giud roda.
Empau scotgia blaua cun nuot tschagrun
Fa mo bled e schvachs il magun.
E quei ch' ei eunc pli de sesmervigliar,
Gnianc quei vul ella tier adina schar.
Ton ch' ella ves meglier nuota meldigiau
Da miedis, malsognias e malcaschunau;
Pertgei sche jeu les il don raquintar,
Che quella stuorna per tut sa far,
Sche mana vignies jeu ad ina fin,
Quei capescha maneivel scadin.
Il pli sto jeu sesmervigliar,
Ch' ella vul dellas femnas tschintschar.
Ellas san gie mai ton de nar fa
Ch' elllas survegnien bucca de marida.
Ils mats elllas saliden et enqueren si
La seras de notg e de bi miez di.

Fan cuorssas viadis, e rumpen la sien
Per ira tier ellas e tener empau quen.
Fussen ellas schi schliatas e figiessen ton discus,
Cumprassen ton bia e buessen in quart ne dus,
Vessen ils mats bucca dad ellas ton quitau
E luscha sch' ellas beiben gie bugien vin,
De quei dei sesmervigliar nagin,
Pertgei mintgin de nus sa
Tgei ina heftia queida po fa.
Seigi ch' ellas hagien ina gronda disa
De far en quella visa,
Tgei empo Giunker tscheiver da quei?
Di ti bucca malmunda, sche ti sas enzitgei.
Davart lur sevastgir
Vessas ti fatg meglier de nuota dir
Pertgei il crom ch' ellas han comprau,
Han ellas sezas tut pagau.
Ch' el fetschi il stuorn quei ei bucca ver
Pertgei mintgin po sez ver,
Ch' el sateng si il bia tier grons Signurs
E molesta pauc ils paupers purs.
Glei era fauls de haver las mateuns surmanau,
Pertgei ellas han sezas el neutier clomau.
Schegie don ellas vessen empau pitiu,
Hagien pazienzia ellas han sezas voliu.
Denton hai jeu buna speronza
E enten miu plait vera fidonza,
Ch' ilg Oberkeit vegli nus gidar
Et a quella veglia la bucca stupar.
Sapias pia che tiu plong
Sei manaus cun pauc gudong.
La risposta ha gues suatiu
Quei che ti has malamein plonschiiu.
Resalvel tonaton a quels Signurs
Sch' els vessen eunc da dir enzitgei a vus.

Beistand dil Tscheiver.

Lubeschien Signur Mistral
Cun quest sabi tribunal

Ch' jeu possi era purtar avon
Ils dons che la Cureisma ha fatg avon.
Pieun, curom e seif ei tutavia car
E carn vul ella bucca schar migliar,
Tras quei veng ei bucca mazkigiau
Et il caschamen tut consumau.
Tgi ei la chischun che tons van a rugar?
Buc il scheiver, la cureisma fa quei far.
La glieut schiglioc vadials mazassen,
Pischada e caschiel spargniassen,
Pulmen e curom fuss lu bien marcau
rich e pauper fus saziau.
Stgias ins il seùn dovrar
FigiesSEN lu biars surlischar.
Lur seun faressen buc daven
Per bunas sanganadas far en.
La cureisma quei gudong impidescha
E mo de far il glisner survescha.
Per bucca surduvrar la pazienza
Lein nus cun quei haver pazienzia
Signur tscheiver vulten els eunc dir enzitgei
metien lur sentimen tier quei.

Tscheiver.

Has uss udiu ti paterliera
Ti manzasera bigliafiera.
Meglier per tei fuss quella gada
Che ti da lunsch damei fussas stada.

Cureisma pintgia u Beistand.

Tgei manegias ti cun quei
Daver gudigniau enzitgei?
Jeu hai de dir il pli bia
E tei vi gleiti compiglia.
Mia Signura astgia mintg' jamna turnar
Senza ch' enzatgi sapi seplirar.
Ti aber stos elg onn mo ina gada
Neutier cun inschins seschlehigia.
Biars tei aber eunc lu termatessen
Elg uffieren schei mo pudessen.

Quei ei ina clar emprova
Che tei de resarcir il cust drova.
Tuts ên perdetgia per sagir,
Tuts finadin san schon de dir.
Che la cureisma ei fetg da bein
E ti de mendas eis tut pleins.

Tscheiver.

Cons en pia che fan stem de tei,
mats e mateuns aber suonden mei.
Ord quei savesa bi clar,
Che tuts mei tegnen bia pli car.

Cureisma pintgia.

Gie perquei che ti fas da gron Signur
Eis ti eunc alura mo in traditur,
Vas entuorn e den da crer,
Ch' ilg alf e tgietschen segi ner,

Tscheiver.

Staupa la bucca ti malmonda,
Tia veglia ha bagliafau avunda,
Ti duesses seturpigiar
De voler avon mei tschintschar.

Cureisma pintgia.

Giunker sabiut ti fas gronda parada
Cun tia baruka 100 onns duvrada.
Las hazlas vessen per gues motif
De prender ella per lur ignif.

Cureisma.

Spetachel fuss ei pilver
Sch' ellas portassen si sum in pumer,
En ristass tut blut
Tiu tgiau che vala nuot.

Tscheiver.

Ti manzasera! glei mo dus dis
Ch' ei ami vignida de Paris,

Ei fatgia cun cavelgs ton fins
Ch' ella mi cuosta pli che 100 marengins.
Oz ei l' emprema gada,
Ch' ella veng de mei dovrada.

Cureisma pintgia.

Ti meines ton il mun entuorn,
Ch' el cuora suenter sco in stuorn.
Ils biars de tei vegnen enganai,
Bucca paucs era surmanai.

Cureisma gronda.

Cons en sil mun ch' en paupers purs,
Ch' avon temps vivevan de Signurs,
Perquei ch' ei han tei voliu suondar,
Ston ussa petramein endirar.

Tscheiver.

De quei duessas ti bucca far menziun,
Plitost haver consolaziun,
Perquei ch' els han bandunau mei
Et uss per forssa ston suondar tei.
Aber ussa vi jeu quescher tgieu e serar giu,
Che tut quei che ti has detg segi mentiu.
Sas us quei ei mia rischun.

Cureisma.

Gie jeu sai, che ti eis in gron paltrun.

Tscheiver.

Tgei? jeu sun in gron e niebel Signur.

Cureisma pintgia.

Ti eis in scroc et in traditur.

Tscheiver.

Jeu sun in perdert e bien Mussader.

Cureisma.

Ti eis in perfetg gron surmanader.

Tscheiver.

Quesch uss cun tiu bagliafar.

Cureisma.-

Ti lai star della honur engolar.

Tscheiver.

Ti vegliurda tarladida malmonda.

Cureisma pintgia.

Ti has ina buca ch' a mai avunda.

Tscheiver.

De tuts, de tuts ti eis malvignida.

Cureisma.

Ti fas ina veta scarschentida.

Tscheiver.

Ti eis mo amitgia dils malseuns.

Cureisma pintgia.

Ti lais che cun bien mats e mateuns.

Tscheiver.

Ti fas la glieut tuta endirar.

Cureisma pintgia.

Ti eis mo buns de surbeiber e surmigliar.

Tscheiver.

Tuts de tei han tristezia adina.

Cureisma.

De biars, de biars eis la ruina.

Tscheiver.

Vul stupar tia bucca innagada?

Cureisma.

La tia, la tia ei pli mal regolada.

Tscheiver.

Ti maritasses gues quella gada,
Ch' jeu encunter tei targies la spada.
Ti has strapazau mei seo in paltrun,
Che maretta nagin pardun.

Cureisma.

Eunc bia pli ti has meritau,
Ch' ilg hentgier a ti tiglias il tgau.
Aber quels Signurs deien truar,
Qual hagi maritau il biar.

Tscheiver.

Fetschien pia ilg truamen,
Sco jeu hai tutavia bugien.
Pertgei che tuts han schon udiu,
Che ti il pli bia has faliu.

Mistral.

Waibel! figiei ad els de saver,
Ch' ei deigien empau seretrer.
Denton ch' ei veng de nus traua
Sur quei ch' ei dad els alegau.

Waibel.

Il Signur Landamen lai visar,
Che las parts deigien giu passar,
Denton ch' ei fan il truamen,
Sco ei ilg nies tschentamen.

(Las parts passen giu.)

Mistral.

Signur Silvester trata caultschas schei pia vus,
Qual hagi rischun denter quels dus!

Trata caultschas.

La Cureisma ha fetg buna rischun,
De selementar dil tscheiver quei paltrun.
Jeu manigias dad el daven kitschar,
E ord la tiarra bandischar.

Mistral.

Signur Gion spaza pon veis era vus el sen,
De Giunker Scheiver kitschar naven?

Gion spaza pon.

Signur trata caultschas tgei pigleis a meuns,
De metter en tristezia tons cartsgeuns,
Cun vuler il tscheiver bandischar,
Na, quei lein nus cun la cureisma far.

Mistral.

Signur Balameister qual ei vies sentimen,
Qual de quels dus dei vignir tarmes naven?

Balameister.

Per dismetter ton sunem a ton frakas,
Il tscheiver de bandischar manigias.
Pardi che la cureisma ei ton magra,
En grazia lein prender quella gada.

Mistral.

Signur Andriu cupida fetg,
Tgeinin e vies maneg?
Domadus veis vus udiu,
A qual il dretg veis favoriu?

Andriu.

Il tscheiver lai gie nagin en ruaus,
Jeu sundel in liung temps dil dormir privaus.
Entras siu sunar, grir e cantar,
San ins gie gnianc il Rosari recitar.
Jeu tegniel che nus segien obligai,
De far ch' el e ses compongs segien bandischai.

Mistral.

Herr Stathalter Gieri schvida glas figiei il plischer,
De cun qual vus tenies mei schar saver.

Schvida glas.

Mes Signurs! vus figieis adentiert,
De far cul tscheiver aschi matgiert;
In sto cun el far cortasia,
Sche compong el nus ell' ustria.
Na, na la Cureisma quella stuorna,
Freda mal e vilenta cu ch' ella tuorna.
Silmeins en enqual claustra lein serar,
Sinaquei ch' ella sapi mai pli turnar.

Mistral.

Signur Martin fa de fin tgei meini veis vus?
Qual ha rischun denter quels dus?

Martin.

Sche mia memoria survescha endretg,
En quels eunc stai pli avon dretg.
Miu meini fus pia quella gada,
De bandischar naven quella bargada.
Jeu seregordel che avon enzacons ons,
Ei il scheiver ne ses pardavons
De nus stai bandischai,
Mo uss en ei puspei tuornai,
Perquei maret' el schon,
Ch' in bandischeschi el silmeins entochen Glion.

Mistral.

Signur Stathalter tschontscha lom sco velg Girau,
Vies meini cun plischer vi ver tadlau,
Pertgei gronda ei vossa sabientscha,
Et enconischida ei vossa prudentscha.

Tschontschalom.

Signur Mistral els fan a mi memia gronda honur,
Cun haver mei en tonta favur.
Glei schon ver, ch' jeu sun biars ons girau,
Vai aber adina giu gron quita.
De far endretg e dar bein adatg,
Che a mintgin vegni endretg fatg.
Perquei jeu uss manigias,
Ch' ei fuss endretg sch' in bandischas,
Il tscheiver per 10 meins,
Ner per quronta dis silmeins.

Mistral.

Signur Scarvon cascha gras schei vies parer,
Vus esses in um de vaglia ch' in sa crer.

Cascha gras.

Ach tgei vai jeu patertgiau,
De vegnir quest on Girau.
Jeu dei us sur seun truar,
Quei sai jeu che cho far.
Bia meglier ves jeu fatg,
De star a casa e far miu fatg.

Tonaton perdi chei sto esser aschia,
Alla cureisma vi dar la vusch mia.
Sin quella moda sundel jeu segirs,
De pli guess veginir enta parvis.

Mistral.

Herr vachmeister fila satel tgei scheis ?
Qual il tscheiver ner la cureisma bandischar leis ?

Fila satel.

Se pa, tgei quels Messies pertratg
Le tscheiver, nuot dil mal ha fatg.
Seuleman sta leger le schant,
Fa dirlidum, dirlidum scharmant.
Les matas le muos muos maniera,
Fa leger sin marsché e sin fiera.
Sche vul el absolma buc sbitar,
Ad in, ad in el cun vus vul far star.
Bein pertratg aschia mats nus vilenten,
Da nus parl mal tu la schenta.

Mistral.

Signur Comissari tschetschamel scheit,
Tgei meini vus veis avon gl' Oberkeit ?

Tschetschamel.

Ich nit dil meini von quel franzos,
Ich bien catholic mensch davondavos,
Jeu teng mit cureisma, ton jeu sa,
Pertgei el vul nus en himel mana.
Quel tscheiver ei mo scroc, nur hunsfut,
Macht don, macht nanadira pertut.
Fort quel asen en Frontscha,
Marsch ! cheu macht memia viel tschontscha.

Mistral.

Signur President sponda broda,
Cho or croda lur meini ?

La sponda broda.

Il Giunker tscheiver cun ses mats,
Fa legermen a mateuns e mats,

El spargnia bia medischinas,
Dat de miglia bia salvischinas;
Scatscha malsognias e truriedats,
Il seun schubregia cun sias naradats,
Perqueilein nus el salvar
E la cureisma bandischar.

Mistral.

Signur Meister Samson jeu vi saver,
Sch' il tscheiver ner la cureisma dein daven taner.

Muossa pung.

Miu mein ei de taner cul tscheiver,
Quel salva bain e dat de beiber.
Cun veng trenta curonta renschs,
Podein nus far leger bein savens.
A quella vegliuorda macorta,
Gl' emprem ozlein dar la torta.

Mistral.

Ussa Signur Zemargenis Matutin,
Schei vies mein era avon scadin.

Matutin Zemargenis.

Miu-miu, mei-meini ei ei sin la la fin,
Jeu jeu vi-vi-vi-ver visau mintgin,
D-dil tscheiver leis se-se-se pertgirar,
E-e-e la cu-cu-cureisma ta-ta-taner char.

Mistral.

Ussa che tuts han detg il lur parer
Vi far tras il Waibel de saver,
Che las duas parts deigien vignir,
Sche la sententia vulten udir. (tier il Waibel)
Schei Waibel, che las parts deigien turnar,
Essent ch' ensemes possien tadlar,
Tgei ei han traua quels Signur Gieraus,
Sin tut il fatg ch' ei allegaus.

Waibel. (sin esch)

Il Signur Landamen lai comondar,
Che las duas parts deigien tuornar.

Schei vulten saver cho la seigi ida,
La lur dispeta scarschentida. (parts tuornen)

Mistral.

Signura Cureisma a mi carteit,
Che dad in ludeivel Oberkeit,
Podeis bucca lamentar,
Pertgei tier nus veis eunc de star.
Jeu hai priu cusselg de quels Signurs,
Che han fatg a vus tutas honurs.
Tadlei il Scarvon de nies cumin,
Che veng a legier avon a mintgin.
Co ilg Oberkeit han sur de vus traua,
E la sententia che nus vein dau.

(Il Scarvon legia si la sententia.)

Rueun, ils . . . de . . . il on 1867.

Ilg entir Oberkeit, Signur Mistral,
Per dostar ton sco el po igl mal,
E perquei che las caussas mondien endretg,
Sin questa damonda ha tschentau a dretg.
E avon nus ei comparida,
La cureisma de tuts enconoschida,
Ha fatg sias caussas cun tut honur,
Entras dilg Signur Mistral garegiau in bien Mussadur.
Tut quei al Signur Mistral lubiu,
Sco mintgin ha schon udiu.
Sin quei en ei i a secussigliar,
Co els possien il plong manar.
Chura ch' els han giu il Plong tschentau,
Han tut avon ilg Oberkeit rischdau,
E sin biars pungs han ei fatg ver,
Ch' il tscheiver segi in manzaser.
Chura chei han giu lur plong vintschiu,
Sche ha ilg Signur Mistral voliu,
Entras il Waibel far comondar,
Ch' il Signur tscheiver deigi sesculpar.
Giunker tscheiver ha fatg obedientscha,
Ei vignius sez en preschientscha,

Ha sedeportau sco in galant Signur,
Ha era dilg Signur Mistral garegiau mussadur.
Il Signur Mistral per far la caussa dretgia,
Ha dau agli la compleina letgia,
De tscharner ora quel che gli plai,
Denter tuts quels ch' eran cheu rimnai.
Giunker tscheiver ei cun siu lubiu mussadur,
Per rispunder ton pli cun honur,
Jus ora a secussigliau,
Tgei risposta possi vegnir dau.
Lura en ei tuornai e respondiu,
Sin tut quei ch' ad els ha plaschiu.
Chura chei han tut giu raquintau,
Ha il Waibel ad els comendau,
De passar giu sco glei tschentamen,
De ferton ch' ei fan il truamen.
Sin quei ha ilg Oberkeit priu ina mesa via,
E dau la sententia aschia,
Ch' il tscheiver dei en diesch dis esser absentaus
E la cureisma star en bien ruaus.
Chura ch' ei tuca mardis tscheiver notg il sen gron,
El cun ils ses serviturs deien schon esser entochen Glion.
El cun ils ses deien era de chaudenvi,
Mai ver marveglias de nies vitg pli.
Dues el bucca star sut camon per 10 meins,
Melli francs deigi esser en falonza silmeins.
E sch' enzitgi de quels stimai auditurs,
Fuss bucca cuntens cun quels Signurs,
Ne manegias ch' aschia fus buc endretg,
Po mintgin sez comparer avon quest dretg.
Il Oberkeit veng agli dar audienza
E per avunda rischuns midar sententia.
Per in castig bein meriteivel,
Dei il tscheiver a quest Oberkeit ludeivel,
E perquei ch' el ha teniu si entochen ussa,
Dar ils daners ch' el sa en sia buorsa.
A la cureisma aber chei ton passa,
Lein schengigiar ch' ella vegni pli grassa.
Aschia ei sei en quest tribunal concluiu,
Sinaquei che tut resti quiet e finiu.

Tscheiver.

Tgi ves bein mai manigiau,
Ch' ilg Oberkeit ves mei schi pauc stimau.
Schei sto esser sche tscheu veis ussa,
Tuts ils danes e mia buorssa,
Matei ch' ei meunca a quels Signurs il de beiber,
Perquei vulten haver naven il tscheiver.
Cun la cureisma vegnen o pli bien marcau,
Pertgei che leza dat mo latg sgarmau.
Miu car pievel jeu vi vus visar,
Che de quest Oberkeit degies sepertgirar.
Sche vus dispeta veits,
Bia meglier vus figiets,
De selogar denter vus,
Per bucca vegnir a meuns a quels Signurs.
Quei ch' ei fan ei per trer braf en lur sac,
Per sevistgir e fimar tubac.

Cureisma.

Ti has ussa ditg bagliafau,
Ti pos ira e quescher tgieu.

Tscheiver.

Tuts san schon che jeu hai rischun e sundel um,
Da quescher tgieu e schar a ti il num,
De haver mei survintschiu
E tia dispetta teza finiu.
Pertgei che las femnas porten il Schoos
E ston adina ver il plaid davos.
Gie, gie jeu hai bein el sen
De trer de cheu naven.
Perquei che mia buorssa ei vita,
Ei la vossa affectiun trita.
Ils amitgs calan cuninagada,
Sco ch' in po bucca pli dar la pagada.
Per vus mats e mateuns a mi encrescha,
Ch' jeu stoi ira aschi en prescha,
Mo perdi che ieu stoi daven tillar,
Salits per vus e brefs vi schon fa far.
Jeu vi ussa prender comiau,
E tuts vi haver rogau:

Veigies sin mei nuota nuidis,
Ne de spass, ne de solaz, ne de buidas.
Sil miu cavalg vi jeu siglir
E dils' inimitgs daven fugir. (giu)

Cureisma.

Bein sabi, gratius Signur Mistral,
Cun il ludeivel tribunal!
Ad els sundel jeu quella gada,
Zun tutavia fetg obligada.
Gidar veis vus mei voliu,
Cheutras veis fatg plischer a Diu.
Vus saveis che la mia entrada,
Ei per vus empau memia magra.
Il vies bab tut pussent,
A vus deti in meglier pajament.
Dieus schei buc ord memoria,
Sche continscheis vus perpetna gloria.
Il tscheiver encunter vus ha tschintschau,
Causses che jeu mana ves stgiau.
Mo glei oz il di quella disa,
De plidar dilig Oberkeit en quella visa.
Sch' enzetgi uss ha de dertgiar
E po bucca quei gudognar,
Segiramein a mi carteit,
La cuolpa daten alg Oberkeit,
Jeu aber confes, che vus veis bun entalgientscha
E figieis las caussas cun prudentscha.
Ussa vi bucca pli senterdar,
De bien cor vi engraziar.
Per perdun vi haver rogau,
Sche jeu ves enzatgi stridau.
Mei e mia pintgia fetg recamondel
E cun consolaziun daven mondel.

Mistral. (laventa la dertgira)

Perdi che nus vein quei cas finiu,
Sche grad tal ei il meini miu:
Jeu vi quels Signurs emparar,
Sch' jeu possi la spada en siu liug turnar?

Signur Balameister de fom e seit,
Sco emprem girau mi scheit,
Sche jeu possi uss igl dretg finir,
Et in autra gada ensemens vignir.

Balameister.

Signur Mistral jeu cartes,
Ch' in ussa rischun ves,
De levar si et empau ruassa
E dertgira tene in' autra ga.

Mistral.

Per far alla cuorta e bucca setener si,
Camondel jeu a mintgin de siu meini di,
Sch' jeu la spada possi tornentar,
En sin liug e denton schar ruassar?

Trata caultschas.

A mi para ded esser bein fatg,
Per far las caussas cun tut adatg,
Per contentar in e scadin,
De ton pli gleiti far la fin.

Gion Spaza pon.

Ei glei tard jeu fuss dil meini de finir,
Jeu sto quest' sera eunc a casa ir.

Andriu.

Per oz lein nus il dretg calar,
Partgei nus podessen bia entardar,
Gudong vein nus aschia bucca bia,
Schegie nus lessen vinavon dertgi.

Schvida glas.

Questa dispeta ei stada gronda,
La fatg il tgiau grisch avunda,
Miu meini fuss ussa de calar,
Et in glas vin schar portar.

Martin.

Gie Herr schvida glas els tschontschen bein,
D' in glas vin, nus fetg de basens vein,
Lein calar et ir' ell' ustria,
per il gudong uss' beiber via.

Tschontschalom.

Jeu hai tuttavia bugien,
Chei vegnit refretg il truamen,
Glei temps dil tgau schar sfardar,
In schigloc el podes ruinar.

Cascha gras.

Tgei stein nus cheu e setenin si,
Lein far fin enten quest di,
Lein ira dabot ell' ustria,
Per leu bein far legria.

Fila satel.

Vu tschontsch d' onet galant um,
Sche a schon detg, oz fa dirlidum.
La sunadur fa exellent sonar,
Nu vullon le glas bref svidar,
Avec un quart tuts vulon beiber,
Hopsa — vif la mat e tscheiver.

Tschetschamel.

Ich fin machen schon cuntens,
Dertgira kommt avunda savens.
Mo nus vul nit machen dirlidum,
Quel nit bi, nit braf per vus um,
Meglier va a casa tier duna affons,
Jetz nuota daners, memia cars onns.
Na, na, ustria jeu nuota va,
Vus bucca latg che tez va.

Sponda broda.

Dabot, dabot nus lein ir,
La dertgira lein finir.
Jeu hai queida d' in glas vin,
Figiei po ton pli schvint.

Muossa pung.

Gie jeu hai er' de far,
Stoi ira a legigiar,
Tgei mats jasters van a mateuns,
A quels vi jeu skitschar ils muleuns.

Matutin.

Nu-nus stuein ir a-a-avon,
Cu-cu-cun bien e-e-exempel a mintgia affon.
Perquei a casa lein nus ira,
Et en pasch fi-fi-nir la dertgira.

Mistral.

Jeu vesel ch' il mein de quels Signurs Gieraus,
Ei bein perina ch' il dretg cheu rimnaus,
Dei vignir refretgs sin in' autra gada,
Cu ei glei comodeivel de trua. (tier il Waibel)
Tscheu vus Waibel uss la spada,
En siu liug dei esser tornentada.
Veigias dad ella quitau e dei adatg,
Che quei che uss daventa sei bein fatg.
Pardi che nus essen alla fin,
Vi jeu ver engraziau a mintgin,
A tutts quels stimai Signurs,
Cun in plaid er' a tuts nos auditurs,
Per la honur de nus tadlar,
Sche gie nus bia vein schau munchar.
Lein pia ira e far bi tscheiver,
Lein migliar grad dretg e beiber,
Lein star leger, lein esser bein perina,
Mintgin eì nies amitg tutina.
Lein pia grad uss entscheiver
A grir, a viv' il tscheiver!

M.



Litteratura veglia

XVII. e XVIII. Secul.



On ina collecziun en posses

de

Signur President Nold da Pitasch.

(Publ. da J. C. M.)



